

■ Aprann Renmen Tèt Ou Anvan Tout Bagay

Yon refleksyon sou sante mantal, limit pèsònèl ak lanmou pwòp tèt ou

■ Objektif Prezantasyon an

- Fè chak moun reflechi sou relasyon yo ak pwòp tèt yo.
- Montre kijan nou konn neglijè tèt nou pandan n ap ede lòt moun.
- Enspire yo pou yo rekonèt valè yo epi pratike lanmou pou tèt yo chak jou.

■ ■ Pati 1 : Reflechi sou Pwòp Lavi w

Jodia m pa gen yon topic, men m gen kèk kesyon m anvi poze nou. Pran tan pou w reflechi sou yo:

- Si w ta mouri jodi a, kisa tèt ou ta di sou ou?
- Si suicide pa t yon peche, kisa ki t ap kenbe w vivan jodi a?
- Èske ou leve chak jou machinalman, oubyen ou pran plezi nan lavi w?
- Si pa t gen aktivite ekstèn, èske ou menm sonje ki jou jodi a ye?

■ Pati 2 : Sosyete a Fè Nou Bliye Tèt Nou

Nou toujou tande kesyon sa: 'Si w mouri jodi a, kisa mond lan ap di de ou?' Yo ta pale de pwofesyon w, sa w te fè pou lòt moun. Men lè yo ta mande tèt ou kisa ou te fè pou ou? Pafwa, nou kontinye travay malgre kò a mande repo, jiskaske li tonbe malad. Nou konn inyore siy kò nou jiskaske li kriye anndan an silans.

■ Pati 3 : Nou Trete Tèt Nou Tankou Machin

Nou toujou dispoze ede lòt moun, pote bouyon, bay tan nou menm lè nou fatige. Men pou tèt nou? Nou jis kontinye jiskaske nou kraze. Bondye te bay chak moun yon vi, men pifò nan nou ap viv pou fè lòt moun plezi. Nou vle sove tout moun pandan nou bliye sove tèt nou.

■ Pati 4 : Refleksyon Pèsònèl

Lè dènye fwa ou te fè yon bagay jis pou ou menm? Yon manje ou renmen, yon konpliman pou tèt ou, yon kote w te anvi ale? Paske vi sa, se sèl chans ou genyen pou viv pou reyèl. Si w pa viv pou tèt ou, eksperyans yo mouri avèk ou.

■ Pati 5 : Lanmou pou Tèt Ou se Sous Tout Bagay

Ou pa egoyis lè w pran swen tèt ou, ou jis ap viv nan balans. Lè w kòmanse pran swen tèt ou, enèji w chanje. Moun trete w pi byen, opòtinite ap vini, ak lavi w pran direksyon. Menm lè ou

pale mal ak tèt ou, mande padon epi remonte tèt ou moral. Trè menm jan ou ta fè ak yon zanmi.

■ Konklizyon

Kisa ou renmen vre? Kisa ou anvi fè? Pa panse ak lòt moun, panse ak ou menm. Resous yo ka limite, men imajinasyon ou pa limite. Ou kapab fè sa w vle ak kouraj. Si w ta mouri demen, ou ta kapab di: 'M te pran swen tèt mwen, m te renmen tèt mwen.'

■ Resous Pou Renmen Tèt Ou Plis

Liv Rekòmande:

- Les 4 accords toltèques – Don Miguel Ruiz
- Rompre avec soi-même – Joe Dispenza
- The Gifts of Imperfection – Brené Brown
- You Can Heal Your Life – Louise Hay

Videyo YouTube:

- Jay Shetty – Self love & healing talks
- Mel Robbins – How to build real self-confidence
- Joe Dispenza – Méditations guidées et transformation personnelle

Egzèsis Chak Jou:

- Ekri 3 bagay ou rekonesan pou chak maten.
- Fè yon konpliman a tèt ou devan glas la.
- Pran 10 minit san telefòn pou respire, priye oswa reflechi.
- Fè yon ti jès douchè pou tèt ou chak semèn.

■ Ti Istwa Pou Fini

Yon jou, yon jèn fi te fatigue ap kouri dèyè tout moun, ede tout moun, men li te bliye tèt li. Yon granmoun di li: 'Pitit mwen, ou se yon kannari plen dlo. Si ou toujou bay san ou pa ranpli ankò, yon jou w ap vin vid.' Depi lè sa, li te aprann ranpli kannari a anvan li t al ede lòt moun. Se leson nou tout bezwen aprann: ranpli kè nou, pran swen tèt nou, epi kite lanmou sa gaye toupatou.